



UNIVERSITÄTS-  
BIBLIOTHEK  
PADERBORN

**Claudii Fleury, Presbyteri, Prioris Argenteliae Et Reg.  
Christianiss. A Confessionibus Institutiones Juris  
Ecclesiastici**


**Fleury, Claude**

**Moguntiae, 1760**

II. De conciliis.

---

[urn:nbn:de:hbz:466:1-67899](#)



C A P. II.  
DE CONCILIIS.

I.

**U**t distinctius cognoscatur *jurisdictio ecclesiastica*, videbimus primum, a quo illa exerceatur; deinde, ad quas caussas extendantur; tum, quæ sit forma judiciorum; denique, quæ sint pœnæ canonicae.

**II.** OMNIS *jurisdictio ecclesiastica* proprie est penes *Episcopos*<sup>1</sup>. Christus eam apostolis, apostoli suis discipulis per manuum impositionem; hi rursus aliis continua serie usque ad nos tradiderunt, tradentque ad finem sæculi, quum Christus promiserit, se semper futurum cum discipulis suis docentibus & baptizantibus. Et quia Petrum in primis gregis sui ducem constituit, voluitque, ut is fratres confirmaret; pie credimus, papæ jure divino competere *jurisdictionem* in omnes *Episcopos*, & per omnem Ecclesiam, ne qua fidei depravatio gliscat, neve canones vilipendantur.

1) *Constit. Apost. l. 2, c. 36.*

**III.** REGIMENTUM ecclesiasticum non est dominatus, ut principum sacerdotalium<sup>1</sup>; sed caritati inadificantum & humilitate temperatum<sup>2</sup>. Hinc primis temporibus Episcopi nihil non de consilio presbyterorum, qui erant instar senatus Ecclesiae<sup>3</sup>; & cum praescitu diaconorum & clericorum egere. Res majores etiam

Judex ec-  
clesiasti-  
cus ordi-  
narius est  
episco-  
pus;

episcopa-  
rum pa-  
pa.

ad populum retulere, præ se ferentes auctoritatem suadendi magis, quam jubendi potestatem. Sed quo minus sibi arrogarunt, eo plus auctoritatis sibi compararunt.

1) *Luc. XII. 25.*, 2) *1. Pet. V. 2.*, 3) *Vid. Part. II. c. 15.*

*ad con-  
cessum  
cleri.*

IV. HIC igitur veterum judiciorum ecclesiasticorum ordo, hic modus fuit. Episcopus medius inter presbyteros consedit, veluti magistratus inter astellores. Diaconi instar apparitorum vel ministrorum justitiae circumstabant. Partes litigantes, vel si qui accusati essent, coram causis suas egerunt. Judicium fuit summarium, ab ambagibus solemnum remotum. Judex, in ipsam rei arcem intentus, non solum, quod justum, judicare, sed & partibus persuadere, rancorem & iram abstergere, avaritiamque & nimiam ad terrena bona propensionem corrigere<sup>1</sup>. Talem se arbitrum semper exhibuisse legimus AUGUSTINUM<sup>2</sup>.

1) *Constit. Apostol. I. 2. c. 47.*

2) *Vid. POSSID. in vit. c. 19.*

*vel dioc-  
esani.*

V. ISTA consuetudo judicandi in cœtu clericorum perduravit ad saeculum XII, quod ex decreto Gratiani manifestum<sup>1</sup>. In rebus arduis Episcopus praeter suæ civitatis clericos convocavit cunctos per diocesin sparsos & titulis ruri affixos; quas convocationes hodie appellamus *synodos diocesanas*. Sic & Episcopi nonnumquam a Metropolitano convocati formarunt concilia seu *synodos provinciales*, quibus ipsæ Episcoporum lites & majores Eccle-

Siæ cauſſæ disceptabantur. Hæc igitur duo ſunt ordinaria *tribunalia*; alterum Epifcopi in conſeffu cleri ſui; alterum concilium provinciale. In illo ſolus Epifcopus; in hoc omnes Epifcopi, præſide metropolitano, judicabant.

1) C. 15. q. 7.

VI. CONCILIA provincialia leguntur jam ſeculo II. unde inferre licet, ea ſemper in uſu fuiffe, quoad per perfecutiones cogi poterant. Concilium Nicænum c. 5 statuit, ut quotannis bis haberentur, vernali & autumnali tempore. Illud ante quadragesimale jejunium, ut, omni rancore lepoſito, purum Deo redderetur ſacrificium. Ex eadem ratione Epifcopi jubentur *audientiam* habere diebus lunæ, ut partes haberent totam hebdomadem, quæ conciliarentur, dieque dominica elevare poſſent, ex præſcripto apostoli, manus puras ſine ira & contentione<sup>1</sup>. Formulæ synodorum & conciliorum, quæ ſupersunt, ſatis innuunt, fuiffe ea *tribunalia*, quibus lites compositæ, vitiaque correcta, ſed duce caritate & indulgentia. Hunc autem ordinem concilii celebrandi præſcriptum legimus concilio Toletano IV. an. 633.<sup>2</sup>. Primo mane, omni plebe ex ecclesia ejecta, omnes portæ claudebantur præter unam, quam oſtiarii cuſtodierunt. Per hanc intrarunt Epifcopi; deinde presbyteri & diaconi, concilio interfuturi, qui erant plerumque ejus ecclesiæ, in qua conuentus celebrabatur; porro notarii, h. e. clerici, notarum ſcribendarum periti, qui instrumenta prælegerent & acta conſignarent. Epifcopi in

Concilia  
provin-  
cialia quo  
ordine ac  
ritu ha-  
bita?

circulo, & post eos presbyteri consederunt, adstantibus diaconis. Post longum silentium, quum archidiaconi voce ad orandum invitarentur, cunctis prostratis, Episcoporum natu maximus preces fundere coepit, invocando spiritum sanctum ad remissionem peccatorum, & ad justum judicium reddendum, procul odio & favore. Post e diaconis quidam prælegit evangelium vel canones, vel alium librum institutioni propositum. Tum metropolitanus fratres suos allocutus monuit, ut quisque, quæ de singulorum officio dicerentur, æquis auri bus acciperet, & vicissim, quæ sibi viderentur, libere, sed placide diceret. His precibus, lectionibus & exhortationibus, quibus nonnumquam laici intererant, ut inde proficerent, triduum fere dabatur. Sed quum ad rem veniendum esset, laicis excedere jussis, archidiaconus ad portam adstitit, ut, si quis presbyterorum, monachorum aut laicorum quem convenire, aut concilio quidquam proponere vellet, esset, quem ejus rei caussa alloquerentur. Cunctis peractis, antequam patres discederent, subscripsere decretis, sive ad privatorum caussas, sive ad disciplinam pertinentibus, audiveruntque diem Paschæ & proximi concilii indicatum. Post preces, quibus remissio culparum, si quæ admissæ, & conservatio unionis flagitabatur, osculo pacis mutuo sibi valedixerunt Episcopi, quibus Metropolitanus impertivit benedictionem solemnem<sup>3</sup>.

1) *Const. apostol. l. 1. c. 47. 1. Tim. II. 8.*2) *tom. 5. Concil. p. 1704. 2) Ponif. Rom. p. 595. sq.*

VII. URGENTE magno malo, veluti *Concilia  
œcumene  
nica*, exorto inter Episcopos præsertim majorum cathedralium magno dissidio, extra ordinem celebrata fuere *concilia œcumene*, h. e. ex omni orbe Christiano convocata, qualia sunt Nicænum, Ephesinum, & reliqua usque ad Tridentinum, quod eorum est ultimum. Non quod revera omnes ex omni orbe, sed quod ii præsertim Episcopi, qui dissidebant, comparuere, ceterique omnes comparere poterant. Labente *nationa  
lia*; imperio, diversisque in Europa regnis natis, celebrata sunt concilia nationalia, ad quæ singuli ejusdem regis subjecti Episcopi vocantur. Talia sunt Toletana sub Gothorum regibus in Hispania: talia Francica complura. Sed ordinariū tribunal semper cujusque provinciæ ecclesiastice concilium fuit.

VIII. HORUM ex præscripto concilii *provin  
cialia na  
glecta*. Nicæni diu quotannis duo fuere habita. Quod facile fieri potuit in tanto Episcoporum numero, qui alternatim confluere poterant ad Metropolin, domi manentibus absentium interea procurantibus Ecclesiæ. Post remissius actum, quum Episcopi a primo zelo rece- dentes, laborem itineris sumtusque impenden- dos prætexerunt culpæ. Unde sæculo VII. anni conventus commendati concilio in Trullo <sup>t</sup> septimoque & octavo œcumeno. In occiden- te & sub regibus nostris Merovingicis riora fuere concilia *provincialia* ob comitia regni bis singulis annis habita, quibus interfuerunt omnes Episcopi, & quæ instar habuere *conci  
liorum nationalium*. Majus impedimentum

Caroli Calvi tempore a bellis civilibus, ab incursione Normannorum & dissidio perpetuo Regulorum. Unde sæculo X. XI. XII. vix concilium nisi papæ auctoritate convoçatum, qui vel ipse vel legato missò præsidebat.

1) c. 8. an. 692.

mitau-  
tantur.

IX. INTERIM INNOCENTIUS III. concilio Lateranensi 1216 regulam de conciliis provincialibus quotannis habendis renovavit<sup>1</sup>. Quod quum negligeretur, concilium Valentia in Hispania an. 1322. habitum voluit, ut singulis bienniis celebrarentur; denique concilium Basileense<sup>2</sup> ea reduxit ad singula triennia: quod concilium Tridentinum<sup>3</sup> ratum habuit, voluitque, ut ubique terrarum instaurarentur, monitis Metropolitanis, ut talia cogerent, & Episcopis, ut ea frequenter non recusarent, ita quidem, ut Episcopi ingenui, qui nullius archiepiscopi essent suffraganei, eligerent, cuius conciliis interesse malent: pœna adjecta canonica. In Francia idem sancitum editis Melodunensi art. 1. alio an. 1610. alio 1646. Neque tamen inde a concilio Burdigalenſi an. 1626. aliud vidimus.

1) C.25. X. de accusat. 2) sess. 15. 3) sess. 24. Ref. c. 26

.....

### CAP. III. DE JUDICE ORDINARIO ET DELEGATO.

#### I.

Vicarii &  
officiales

EPISCOPI majorum præsertim cathedralium, multis negotiis obruti, judicium non-